

### 0.0.1 diṭṭhigatasuttaṃ

vuttaṃ hetam bhagavatā. vuttamarahatā'ti me sutam.

1. dvīhi bhikkhave diṭṭhigatehi pariyuṭṭhitā devamanussā olīyanti eke. atidhāvanti eke. cakkhumanto ca passanti.

2. kathañca bhikkhave olīyanti eke?

3. bhavārāmā bhikkhave devamanussā bhavaratā bhavasammuditā. tesam bhavanirodhāya dhamme desiyamāne na cittaṃ pakkhandati na pasīdati na santiṭṭhati nādhimuccati. evam kho bhikkhave olīyanti eko.

4. kathañca bhikkhave atidhāvanti eke?

5. bhaveneva kho paneke aṭṭiyamānā harāyamānā jigucchamānā vibhavaṃ abhinandanti yato kira bho ayaṃ attam<sup>1</sup> kāyassa bhedā parammaraṇā ucchijjati vinasati na hoti parammaraṇā, etaṃ santaṃ etaṃ paṇītaṃ etaṃ yathāvanti<sup>2</sup>. evam kho bhikkhave atidhāvanti eko.

6. kathañca bhikkhave cakkhumanto passanti?

---

bjt page 376

<sup>1</sup>satto, sīmu.

<sup>2</sup>yathāvaevaṃdhāvati, sīmu.

pts page 044

7. idha bhikkhu bhūtaṃ bhūtato passati, bhūtaṃ bhūtato disvā bhūtassa nibbidāya virāgāya nārodhāya paṭipanno hoti. evaṃ kho bhikkhave cakkhumanto ca passantīti.

8. etamatthaṃ bhagavā avoca. tatthetaṃ iti vuccati:

ye<sup>3</sup> bhūtaṃ bhūtato disvā  
bhūtassa ca atikkamā<sup>4</sup>  
yathābhūte vimuccanti  
bhavataṇhāparikkhayā.

sa ve<sup>5</sup> bhūtapariñño so<sup>6</sup>  
vītataṇho bhavābhava  
bhūtassa vibhavā bhikkhu  
nāgacchati punabbhava"nti.

9. ayampi attho vutto bhagavatā. iti me sutanti.

---

<sup>3</sup>yo, syā.

<sup>4</sup>atikkamaṃ, sīmu.

<sup>5</sup>sace, sīmu. syā, pts.

<sup>6</sup>bhūtapariññāto, katthaci.